

Corona Virus XXVII

„Näbewürkige“

Letschi Nacht ha i e komische Troum gha -
über ne unverehofti Näbewürkig vo Corona.
Uf der ganze Wäut hei d' Lüt nümme gloge -
kener Presitänthe hei me bi der Wahu betroge.
D' Hutfarbe vom Nachbar spieut kei Roue meh -
Konflikte u Strittereie si „geschtrige Schnee“.
Jede darf sy Sprach u sy eget Gloube bhaute -
niemer wird disskriminiert, weder di Junge no die Aute
Aui Bürger hei plötzlich z' gliche Rächt -
vor Frou Diräkter bis zum letschte Chnächt.
Es git gnue z' Ässe uf der Wäut -
grächt vereut isch Guet u Gäut.
Fride u Rueh het bracht die Pandemie -
u die ganzi Mönschheit isch derby!
Wo ni bi erwachtet, hani aber realisiert:
leider isch aus nume im Troum passiert.

Andreas Zingg

